



UNIVERSITÄTS-  
BIBLIOTHEK  
PADERBORN

**Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs  
Tractatus de Prædestinatione, de Trinitate, de Angelis, & de homine

**Gonet, Jean-Baptiste**

**Coloniæ Agrrippinæ, 1671**

Art. I. An homines prædestinentur à Deo?

---

[urn:nbn:de:hbz:466:1-77146](https://nbn-resolving.de/urn:nbn:de:hbz:466:1-77146)

# DISPUTATIO PRIMA.

## DE EXISTENTIA ET ESSENTIA

### Prædestinationis.

**N**OMEN prædestinationis tripliciter usurpari solet. Primum in ampla quadam & larga significacione, pro decreto scilicet, prædefinitione, seu prædestinatione æterna cuiuscunque rei à Deo efficacitatem in tempore. Sic eam accepere Dionysius de divinis nominibus cap. 5. Damascenus ratione 1. de imaginibus, Author Hypognosticon libro 6. Iosidorus libro 1. sententiarum cap. 18. Hieronimus super capit. 1. ad Ephes. ubi sit, Prædestinationem predefinire. Et D. Augustinus tractans in Joannem, dicens: Deus fecit futura et perfinendo. Et de prædestinatione Sanct. cap. 10. prædestinationem sibi Deus ex prescivit quæ fuerint futura. Quam acceptancem, non stridam, sed generalem esse docent Hugo Victorinus libro 1. de Sacramentis parte 2. cap. 21. & D. Thomas hic art. 1. ad 2.

Secundo usurpari solet prædestinationem, pro definitione seu deputatione reproborum ad æternum supplicium. Sic Augustinus libro 15. de civitate cap. 1. Fulgentius libro ad Monimum cap. 12. 28. & 19. Prosper ad 10. & 11. objectionem Vincentianum, & Concilium Valentini capite 3. ubi sit Fidenter fatemur prædestinationem electorum ad vitam, & prædestinationem impiorum ad mortem. Ceterum hanc etiam acceptancem à proprietate significacionis deficere, ex eo convincitur, quod punio, seu externa damnatio, non est finaliter creaturæ, quem prædestinatione resipere debet.

Tertio prædestinationem cum omni proprietate sumit, pro transmissione creaturæ intellectuali ad æternam beatitudinem: qualiter prædestinationis nomen, quotiescumque absolute profertur, accipiendum esse docent communiter Theologi, & de illa sic accepta disputant cum Magistro iuri dist. 40. & 41. & cum D. Thoma hic quæst. 2. De hac etiam eleganter differunt plures ex SS. Patribus, prefertim Augustinus in libris de prædestinatione Sanctorum, de dono perseverantis, & de natura & gratia. Prosper contra Celatorem, & ad objections Gallorum. Fulgentius libro 1. ad Monimum, & Anselmus libro de Concordia prædestinationis cum libero arbitrio.

#### ARTICULUS PRIMUS.

An homines prædestinatur à Deo?

Hæc difficultas in triplici sensu agitari potest. Primus est, an de facto sit ponenda in Deo hominum prædestination? Secundus, an illa sit Deo conveniens? Tertius, an supposito quod aliqui homines salvetur, necessarium fuerit illos à Deo prædestinari, & in vitam æternam, abso- luto & efficaci decreto præordinari? & in omni- bus est resolvenda.

Iom. 11.

A 3.

Existentia & convenientia prædestinationis breviter suadetur.

**D**ico primò: Dari in Deo prædestinationem. Hæc conclusio certa & indubitate fide tenenda est, de ejus enim veritate à nemine dubitatum est, præterquam ab aliquibus Gentilibus, qui divinam providentiam negaverunt, & in quorum persona dicitur Job. 22. Nubes latibulum eius, nec nostra considerat, & circa cardines cœlum perambulat. Velebitum ab Atheistis, qui negant immortalitatem animæ, negaverunt consequenter prædestinationem ad gloriam: de quibus dicitur Sapient. 2. Et nescierunt sacramenta Dei, nec speraverunt mercedem iustitiae, nec indicaverunt honorem antiquarum sanctarum. Velenique ab aliquibus hereticis, qui insallibilitatem & certitudinem divinæ prædestinationis, cum libertate & contingentiæ nostrorum actuum conciliare non valentes, aut non volentes, negaverunt homines à Deo prædestinari.

Probatur ergo primò conclusio ex variis Scripturæ testimoniis: dicitur enim ad Romanos 8. Quos prædestinavit, hos & vocavit. Ad Ephes. 1. Prædestinavit nos in adoptionem filiorum Dei, per Iesum Christum Actuum. 43. Crediderunt quoque erant præordinati ad vitam æternam. Et alibi passim, sub electionis nomine hæc veritas traditur, ratioque Divi Thomæ hic articulo 1. ad hanc formam redacta, illam suadet. Ratio transmissionis creature rationalis in finem vitæ æternæ, prædestinationem appellatur: Athæa ratio existit in Deo ab æterno, cùm quidquid in tempore exequitur, ab æterno in sua mente dispositum habeat: Ergo datur prædestinationem in Deo.

Vel aliter (ut à varietate sententiarum circa prædestinationis essentiam pro nunc abstractamus) potest ratio Divi Thomæ proponi. Quidquid Deus in tempore exequitur, ab æterno in sua mente disponit, & æternæ voluntate decernit: cùm nec voluntas ejus aliquid de novo in tempore velle, nec ejus intellectus aliquid de novo intelligere seu disponere possit, ratione immutabilitatis physicæ, vel moralis: de quo Tractatus precedentis: Sed Deus in tempore plures homines & Angelos ad gloriam transmittit. Ergo hanc transmissionem ab æterno in suo intellectu disposit, suaque voluntate decrevit: Sed vel in actu intellectus disponente, vel in actu voluntatis decernente, vel in utroque simul, sita est prædestinationem: Ergo illa datur in Deo. Unde Bernardus in Tractatu de libero arbitrio, loquens de providentia Dei, ait quod illa attingit à fine usque ad finem destinatum à Cœatore, sive in quem urget na-

Disp. 3.  
art. 4.

A ji

tura

## 4 D I S P U T A T I O P R I M A.

tura , sive quem accelerat causa , sive quem concedit A  
gratia.

Dico secundò : Conveniens fuit Deum homi-  
nes prædestinare.

Probatur primò ratione D. Thomæ hic art. 1.  
Ad divinam providentiam pertinet res in finem  
ordinare: Sed per prædestinationem creatura in-  
tellectualis efficaciter in finem ultimum (claram  
scilicet Dei visionem) dirigitur, & ordinatur.  
Ergo illa est Deo conveniens.

Confirmatur & magis illustratur hæc ratio.  
Finis ad quem res creatae ordinantur est duplex :  
alter qui est naturæ creatæ proportionatus ,  
quem scilicet res creatae potest attingere secun-  
dum virtutem sua nature ; alter qui excedit vi-  
tates & facultatem naturæ creatæ , scilicet vita æ-  
terna , quæ in clara Dei visione consistit . Sieut  
ergo conveniens est quod Deus generali suâ pro-  
videntiâ , omnes creatureas in fines eis connaturaliter debitos , efficaciter ordinet & promoveat.  
Ita etiam infinitæ ejus sapientia & bonitati con-  
gruit , ut per speciale aliquam providentiam ,  
quæ prædestinatione appellatur , aliquos homines  
& Angelos , per auxilium gratiæ efficaciter ordi-  
net & transmittat ad æternam beatitudinem . Ad  
illud enim ad quod non potest aliquid virtute sua na-  
tura pervenire , oportet quod ab alio transmittatur ,  
sicut sagitta à sagittante mittitur ad signum : in-  
quit S. Doctor. Unde Vates Regius loquens  
de electis ait : sicut sagitta in manu potentis , ita  
filii excusorum . Quibus verbis , sagitta à sa-  
gittante excussis , quæ non proprio motu , sed  
illius impulsu , in scopum feruntur , aptissime  
prædestinatos comparat : quia celestis gloria to-  
tius naturæ vires superat , altiusque aſurgit , ut  
possit ad eam creatura rationalis pertingere , nisi  
speciali Dei ordinatione , seu prædestinatione ,  
admodum sagittæ , ad illam transmittatur : juxta  
illud Isaiæ 49. Posuit me sicut sagittam electam , in  
pharetra sua abscondit me . Cui etiam consonant  
præclara hæc Augustini verba in Psalm. 119. No-  
vit Dominus sagittare ad amorem , & non pulchrius sagit-  
ta ad amorem , quidam qui vere verbō sagittat ; in-  
sagittat tor amantis , ut adiuvet amantem ; sagittat ,  
ut faciat amantem

Probatur secundò conclusio Conveniens est  
quod Deus se communicet creaturis intellectua-  
libus secundum omnes ordines quibus potest illi-  
bus se communicare , bonum enim est sui diffusi-  
vum & communicativum , ut ait Dionysius. Un-  
de sicut Deus in ordine naturæ se communicat  
omnibus creaturis , eis largiendo esse , vitam ,  
sensem , intelligentiam , omnisque facultates ,  
potentias , & perfectiones connaturaliter debi-  
tas ; & adeò munificus est , ut etiam in malos di-  
ves sit , quibus innumera quotidie bona largitur :  
Qui florē locis huius ( inquit Tertullianus ) su-  
per iustos & iniustos equaliter spargit , qui tempo-  
rum officia , elementorum servitia , totius geniture  
tributa , dignis sicut & indignis patitur occurtere .  
Et sicut etiam in ordine gratiæ , dona supernatura-  
lia hominibus distribuit , illisque gratiam san-  
ctificantem & auxiliantem largitur ; ita etiam  
congruum fuit , ut aliquibus creaturis intellectua-  
libus , in ordine gloriæ , per claram suæ essentiae ,  
suorumque attributorum manifestationem , se  
communicaret : non potest autem se hoc modo  
communicare , nisi prævia prædestinatione ; quia  
ut supra cum D. Thoma dicebamus , Ad illud ad  
quod non potest aliquid virtute sua natura pervenire ,

oportet , quod ab alio transmittatur : Ergo conve-  
niens fuit aliquos homines & Angelos à Deo pa-  
rare.

Confirmatur : In creatura intellectuali effica-  
citas peruenienti ad istum finem , ut ostendim-  
us in Tractatu de visione beata : Ergo conve-  
niensissimum fuit , ut in illum transmis-  
sionem & perducetur à Deo per auxilium gra-  
tiae .

Addo quod , convenientissimum est , Deum  
sua attributa pluribus tam hominibus quam An-  
gelis manifestare : Atqui per prædestinationem  
plurimum manifestantur divina attributa , tum  
quia finis prædestinationis est clara & intuitiva  
visio Dei ut est in se : tum etiam , quia in dis-  
cretione & transmissione creature intellectualis in  
vitum aeternam , mirum in modum reuce Dei  
potentia , sapientia , bonitas , misericordia , & ju-  
stitia , ut constabit ex dicendis in discursu huic  
Tractatus : Ergo &c.

## §. II.

Solvitur tritum & commune argumentum quod contra  
prædestinationem fieri solet.

**N**on inutile forsitan erit diluere hic , & mi-  
nister ostendere , stultum pro�us effici  
illitorum imperitorum vel pravorum quorum  
dam hominam , in negotio salutis , satius vul-  
garem ratiocinationem , qui sic de se argumen-  
tantur . Si à Deo prædestinatus sum , salvabor  
si sum reprobus , damnabor ; quocunque ergo mo-  
do , live bene , sive male visero , salvabor si  
sum prædestinatus , & damnabor si reprobato  
sum .

Hoc argumento delusus olim quidam Mon-  
chus , tempore D. Augustini , à religione de-  
cit , & sicut canis reversus est ad vomitum , ut  
refert ipse S. Doctor libro de dono persever-  
tiatione cap. 15. Eadem ratiocinatione & discu-  
siu[m] moventur hæretici hujus temporis , ut ne-  
cessitate bonorum operum , & nostrorum &  
ætuum libertatem lexcludant . Quare ad illos di-  
rigi possunt lepida hæc Tertulliani verba .  
canes quos foras Apostolus expellit , latrantes  
Deum veritatis ! hac sunt argumentorum ossa quæ  
obroditis .

Hui igitur argumento cornuto , quod expe-  
tre diabolo est , & quod multarum heresum or-  
igo , fomes , ac seminarium fuit , dicendum est  
cum Augustino citato , illud à confienda Dei  
gratia & prædestinatione non debere deterre  
Catholicos : Sicut ( inquit ) non deteremus à  
confienda Dei præscientia , si quis de illa populo si-  
quatur , & dicat : sive nunc recte vivat , sive an-  
recte , tales vos eritis postea , quales vos Deus futuri  
esse præsivit : vel boni , si bonos , vel mali , si mali  
&c.

Cur etiam in aliis negotiis , non pari modo  
ratiocinantur impi ? Cur non dicunt : nō  
Deus hunc agrum v.g. hoc anno feracem fore ,  
aut sterilem . Si feracem novit , sive à me culis  
fuerit , sive non , uberes mihi fructus feret . Si  
sterilem , ergo talis erit , etiam si ipsum affidue  
coluerim . Vel prævidit Deus fore me doctum ,  
vel non fore ? Si primum , omnino doctus ero ,  
sive studeam , sive non ? Si secundum , etiam  
si nulli parcam labori , & totos impendam dies  
noctesque in studiis , nihil proficiam . Similiter  
prævidit Deus te hodie cœnaturum , vel non ?

Libro de  
patien-  
cia.

## DE EXIST. ET ESSENTIA PRAEDESTINATIONIS.

5

Si primum licet de cena nihil cogites, nihil ad A  
cam pares, nec te moveas, cōenabis tamen op-  
pare. Si fecundum, quantumvis pro cena solli-  
citus sis, invenies eris. An non ridens & explo-  
dendis summi & similes discursus? Si aliter etiam  
absurda est hac argumentatio, quae Monachum  
illam in apostasiam & desperationem induxit, &  
falsa illa consequentia. Si sum prædestinatus,  
quidquid fecero, salvabor. Si enim es à Deo  
electus ad gloriam, utique non per quæcumque,  
sed solum bona opera comparandam. Sicut  
enim Deus non statuit nisi per media idonea  
non concedere, ut sanitatem per medicinam, vi-  
tiorum per strenuam pugnam, scientiam per di-  
ligentiam studii, sic salutem æternam, non  
mit per bona opera. Et sicut Deus ab æterno præ-  
videt & constituit, sterilis fore agrum tuum, per  
diligentem à te ejus culturam, vel sterilem, si  
illam incultum reliquias: te doctum fore, per  
stolidum in litteris operam, indoctum, per stu-  
diorum negligientiam: te cœnaturum iis quæ  
parvæ, & non cœnaturum, per fedidam &  
confitatem tuam. Ita prævidit & prædestinavit  
te salvandum, per mandatorum observantiam,  
non salvandum, propter eorum transgressionem:  
ut elegantem exponit Angelicus Doctor hic art. 8.  
hovibus. Sicut si provident naturales effectus,  
ut in cause naturales ad illos naturales effectus or-  
buntur, sine quibus illi effectus non provenient: ita  
si prædestinatus à Deo fatus aliquo, ut etiam sub  
obligatione prædestinationis cadat quidquid hominem promon-  
tit in salutem, vel orationes propria, vel alterius,  
vel alia bona, vel quidquidibusmodi sine quibus ali-  
quis salutem non consequitur. Vnde prædestinatis con-  
cordum est ad bene operandum, & operandum, quia  
per hanc modi prædestinationis effectus certitudinaliter  
impletur: propter quod dicitur 2. Petri 1. Sat. agite ut  
per bona opera certam vestram vocationem & electionem  
ficiatis.

Hanc doctrinam ex purissimis ac limpidisissi-  
mis SS. Patrum fontibus haustit D. Thomas: D  
Profer enim 2. de vocat. Gentium cap. 36.  
sic dicitur: Quamvisquid Deus statuit nullè posse  
tame non fieri, studia tamen non tolluntur orandi,  
ne per electionem propositum, liberi arbitrii devotei rela-  
zatur, cum implenda voluntatis Dei, ita sit præde-  
stinationis effectus, ut per laborem operum, per instantiam  
sufficienciae, per exercitus virtutum, sint incre-  
menta meritorum; & qui bona egerint, non solum  
saudam propositum Dei, sed etiam secundum sua  
merita coronentur. Item Gregorius Magnus hæc  
scit: Obtineri nequaquam possunt quæ prædestinata  
non fuerint, sed ea que sancti viri efficiunt, ita præ-  
dicta sunt, ut ea precibus obtineant. Nam ipsa quo-  
que prædicta prædestinationis, ita est ab omnipotente dispo-  
sa, ut ad hoc electi ex labore perveniant, quatenus postu-  
lando mereantur accipere, quod eis omnipotens Deus di-  
git donare.

### §. III.

Statuit prædestinationem esse necessariam  
ad salutem,

Dico tertio: Prædestinationem ita esse ne-  
cessariam ad salutem, ut sine illa impossibi-  
le sit aliquem de facto salvari: nec satis esse ge-  
neralem providentiam ordinis supernaturalis,  
sive voluntatem antecedentem quæ Deus vult  
omnium salutem.

Tom. II.

Est contra Catharinum lib. 2. de prædestin. cap.  
ultimo, affirmantem plures salvari, qui non præ-  
destinantur à Deo. Distinguit enim duo genera  
salvandorum, alterum per prædestinationem, sub  
quo numerat Beatissimam Virginem, Aposto-  
los, & alios eximiæ sanctitatis: alterum eorum  
qui sine illa salvati sunt, sub quo cæteros compre-  
hendit.

Est etiam contra Molinam, Suarezem, Lessium,  
& alios Recentiores, qui cum existimat præde-  
stinationem esse factam dependenter à scientia  
media explorante futurum consensum voluntatis  
creatae, docent non adeò esse necessariam ad sa-  
lutem, quia potuerint homines salvi fieri sine  
illa, per solam providentiam generalem, quæ  
Deus velit conferre illis media sufficientia ad sa-  
lutem, quibus possint uti si velint, nullum ab-  
solutè prædeterminando, sed solum sub conditione.  
Addunt aliqui, quod si Deus voluntate absoluta  
& per se efficaci vellet salvare homines, eorum  
libertas destrueretur; quia ex illa induceretur ne-  
cessitas antecedens, libertati contraria.

Nullum tamen de facto posse salvari, nisi fue-  
rit prædestinatus, docent omnes ferè Theologi,  
& adeò constanter, ut Soto ad Roman. 8. Ban-  
nez hic art. 7. concl. 3. Gonzalez disp. 70. se. & i.  
dicant id sine præjudicio fidei negari non posse.  
Dicitur enim Matthæi 25. Venite benedicti Pa-  
triis mei præsidete paratum vobis regnum: præpa-  
ratio autem regni cœlestis fit per prædestinationem,  
ut docet Augustinus Tractatu 68. in Jo-  
annem: ubi explicans illa verba Christi: In domo  
Patriis mei mansiones multa sunt, dicit: Deus fecit  
illas prædeterminando, facturus est operando: Unde Ful-  
gentius de fide ad Petrum cap. 35. ait: Firmis-  
me tene, & nullatenus dubites. omnes, quos passa  
misericordia gratuita bonitate Deus fecit, ante confi-  
tutionem mundi in adoptionem filiorum Dei prædesti-  
natos à Deo; nec perire posse aliquem eorum, quos Deus  
prædestinavit ad regnum cœlorum, nec quempiam eo-  
rum quos non prædestinavit ad vitam, ULLA POSSE  
RATIONE SALVARI. Sunt ergo prædestinationem  
esse adeò necessariam, ut nullus sine illa pos-  
sit salvari.

Favet etiam D. Thomas hic art. 7. ubi docet  
numerum salvandorum esse Deo certum, non so-  
lum ratione cognitionis, quia scit quot sint sal-  
vandi, sed ratione electionis & definitionis: ubi per  
definitionem & electionem, intelligi præde-  
stinationem. Et in 1. ad Annib. dist 46. quæst. unica  
art. 2. ad 2. ait quod voluntas antecedens non  
habet effectum, nisi voluntas consequens adjun-  
gatur: Ergo sentit homines non posse salvari per  
solam voluntatem antecedentem, & generalem  
providentiam supernaturalem, quæ Deus decer-  
neret dare auxilia sufficientia, abique prædefini-  
tione & voluntate absoluta usus illorum, nec  
consequenter absque prædestinatione.

Potest etiam suaderi conclusio ratione § præ-  
cedenti exposita. Prædestination est ratio trans-  
mittendi aliquem in vitam æternam: Sed nullus  
salvatur potest, nisi transmittatur à Deo in vita  
æternam, cum illa excedat vires creaturæ intelle-  
ctualis, sicut sagitta non potest attingere sco-  
pum, nisi transmittatur à sagittante: Ergo nul-  
lus salvatur, nec salvari potest, nisi fuerit à Deo  
prædestinatus.

Confirmatur: Sic scilicet habet prædestinationem Dei  
ad consecrationem salutis æternæ, sicut provi-  
dentia in aliis rebus ad finem quem intendit: Sed  
nihil

15

16

17

# DISPV TATIO PRIMA

6

nihil potest consequi finem per providentiam intentum, nisi per divinam providentiam: Ergo nec potest aliquis consequi salutem aeternam, qui non fuerit ad illam praedestinatus. Unde Prosper in resp. i. ad objectiones Gallorum: *praedestinationem (inquit) Dei nullus Catholicus negat.* Et in Epist. ad Rufinum de libero arbitrio: *Praedestinationem tam impium est negare, quam ipsi gratia contrarie.*

**19** Probatur insuper conclusio. Si ad salutem consequendam sufficeret sola voluntas antecedens & conditionalis salvandi homines, si ipsi velint, & sola generalis providentia, quæ Deus decerneret dare auxilia sufficientia, ab illo prædefinitione & voluntate absoluta usus illorum, nulla esset differentia ex parte voluntatis divinae inter prædestinatum & reprobum, & tota illorum discrecio proveniret ex libero hominis arbitrio: Sed hoc est contra Apostolum I. ad Corinth 4. dicentem, *Quis enim te discernit?* &c. & contra Augustinum I. de civit. cap. 19. ubi docet discretionem bonorum & malorum Angelorum fuisse à Deo, & ait, *Inter sanctos Angelos & immundos fuisse disreturn, ubi dictum est: & divisit Deus inter lucem & tenebras; solus quippe ille ista discernere potuit.* Quod à fortiori de hominibus sentiendum est, nam ut lepidè ait Bernardus serm. 2. de verbis Iaiae: *Quid putas non discernet inter geras, qui discernet inter fellos?* Ergo &c. Sequela Majoris est evidens, nam voluntas antecedens, & generalis providentia, aequalis est respectu omnium, & auxilia quæ ex illa proveniunt, relinquunt voluntatem indeterminatam: Ergo quantum est ex parte talis voluntatis & providentia, nulla est differentia seu discretionis inter prædestinatum & reprobum, sed tota provenit ex ipso libero arbitrio. Unde D. Prosper in carmine de ingratis cap. 6. in fine, referens sententiam Semipelagianorum, qui negantes propositum Dei absolutum & efficacem, dicebant Deum velle omnes homines salvos fieri, si ramen vocanti Deo consentire voluerint, sic habebat.

*Cum sine delectu, seu lex, seu gratia Christi,  
Omnem hominem salvare velit; donumque vocans:  
Si sit propositum, ut nullus non possit ad illud.  
Libertate sua, proprioque vigore venire:  
Sicque salus dignus salvari ex fonte volendi.*

**20** Præterea, si quis salutem consequeretur sine prædestinatione, & decreto efficaci & absoluto, illum transmittente in vitam aeternam, affectio talis finis effeta casu, & præter intentionem Dei; quod repugnat infinitè ejus sapientie & providentiae, & Deus ageret tunc non secundum consilium voluntatis sue, ut ait Apostolus, sed secundum determinationem & propositum voluntatis creatæ; nec eligeret homines, sed potius ab illis eligeretur: contra illud Christi Ioan. 15. *Non vos me elegitis, sed ego elegi vos.*

**21** Denique hæc sententia Catharini, specialem Dei dilectionem erga electos penitus evanescit, non distinguit prædestinationem à providentia generali ordinis supernaturalis, divinorum decretorum & auxiliorum efficaciam enervat, altitudinem hujus mysterii deprimit, pluraque alia congerit & accumulat absurdula & inconvenientia, quæ patibunt ex infra dicendis. Unde Fulgentius: *Omnia & vocationis nostra initia, & iustificationis premia, semper in prædestinatione Deus habuit, quia in vocatione, & in iustifica-*

*Lib. 1.  
ad Mo-  
num  
cap. 1.*

*tione, & glorificatione sanctorum, gratie sue futura prescrivit.* Et rursus cap. sequenti: *In aliis quippe immobilitate constituti, secundum bonum placitum eius, quod proposuit in eo, in dispensatione plenitudinis temporum, instaurare omnia in Christo, quæ in celo & quæ in terra sunt: in ipso ex aeternitate dispositionis suo, in prædestinatione jam fecit quemque effectu operis sui, tempore congruo facienda dispositus.*

§. IV.

*Solvuntur objectiones.*

**O**bjicies primò: Si prædestinationis effectus absoluè ad salutem necessaria, fequeretur quod reprobis non posset salvari, nec consequenter ipsi imputari damnatio: Sed hoc non est dicendum: Ergo nec illud. Sequela Majoris probatur: *cum enim divinum decretum sit aeternum & immutabile, reprobis non potest prædestinari:* Ergo si prædestinationis effectus ad salutem absoluè necessaria, sequitur reprobum non possit salvare.

Respondeo distinguendo Majorem. Reprobis non posset salvare: Potentia consequenti, & in sensu composito, concedo Majorem. Potentia antecedenti, & in sensu diviso, nego Majorem: ad cujus probationem eodem modo distinguendam est Antecedens, & neganda Consequenta. Solutio est D. Thoma hic art. 3. ad 3. & art. 3. ubi sic habet: *Non opera dum quod Deus posuit nou prædestinare quem prædestinari, in sensu composito accipiendo, licet absolute constitando Deus posuit prædestinare vel non prædestinare.* Eodem modo responderet Quæst. 6. de vent. art. 4. his verbis: *Dicitur communiter quæ hoc propositio, Deus potest non prædestinatum prædestinare, in sensu composito est falsa, in diviso vero ideo omnes creationes ille que sensu compositus impluantur, sunt falsa simpliciter.* Legendum est etiam quæst. 23. art. 5. ad 3. ubi inquit: *Quoniam non esse effectus divine voluntatis non possit simul stare cum divina voluntate, tamen potest a deficiendo effectum, simul stat cum divina voluntate.* Non enim ista sunt incompatibilis: Deinde istum salvari, & iste potest damnari; sed ista sunt incompatibilis: Deus vult istum salvari, & iste damnatur. Idem proportionaliter dicendum est de reprobis.

Alii eandem solutionem sub aliis terminis induunt: dicunt enim, quod haec propositio, non probus potest salvari sine prædestinatione, est vera, si illa particula sine reduplicet supra potentiam falsa verò, si determinet verbum salvari: nam licet reprobatio non tollat potestatem ad salvandum, impedit tamen actualem ejus consecutionem. Quæ etiam solutio sumitare D. Thomæ quæst. 1. de potentia art. 5. ad 1. ubi ait: *Ita locutio, Deus non potest facere nisi quod prædicti se fallere, est duplex: quia excepto post referri ad patrem quam importatur per ly potest, vel ad alium qui importatur per ly facere.* Si primo modo, tum locutio est falsa, plura enim potest facere quam prædicti se fallere: si autem secundo modo, sic est vera, & factus est, quod non potest esse quod aliquid fiat à Deo, id non sit à Deo prædictum.

Objicies secundo: Homo potest salvari per auxilia sufficientia ordinis supernaturalis, cum per illa sufficienter ordinetur & promoveatur ad vitam aeternam: Sed auxilia sufficientia proveniunt ex voluntate Dei antecedente, & generali providentia ordinis supernaturalis: Ergo sine præ-

## DE EXIST. ET ESSENTIA PRÆDESTINATIONIS.

7

sumatione homo potest salvare, per voluntatem antecedentem, & providentiam generalē orationis supernalis.

Respondeo distingendo Majorem. Potest salvare per auxilia sufficientia, poterā antecedenti, & ab acta divisa, concedo Majorem. Potentia consequenti, & conjuncta cum effectu, nego Majorem. Solutio patet ex dictis in precedentibus.

### ARTICULUS II.

*Quos actus intellectus & voluntatis exigat prædestinationis, usque ad sui executionem?*

s. i.

*Quibusdam premissis difficultas resolvitur.*

Certum est ad prædestinationem ex parte voluntatis divinae necessarium esse decretum voluntum & efficax, quo Deus intendat, statuat, ac decernat dare gloriam quibusdam Angelis & hominibus, & quo illos eligat ad gratiam, & ad merita quae sunt media ad ejus affectionem necessaria, ut constat ex dictis articulo precedenti. Certum est etiam, ex parte intellectus divini requiri scientiam simplicis intelligentie, qua Deus dirigat in formandis suis decretis, & quae fini possibiliter, & mediorum ad illum conducentium efficaciam & causalitatem demonstret. Ostendimus etiam in Tractatu de scientia Dei, scientiam medium, futurum voluntatis nostrae consensem indagarem ac explorarem, ad prædestinationis negotium non esse necessariam; & de hoc iterum redibit sermo ista, quando agemus de certitudine prædestinationis, ejusque concordia cum libertate creatura. Unde ad duos tantum actus præsens difficultas devolvitur. Primus est actus voluntatis qui executionem immediate præcedit, & appellatur usus. Secundus est actus intellectus qui electionem subsequitur, & vocatur imperium. Quæ, rur ergo primo, an ad negotium prædestinationis, præter electionem, seu decretum intentionis, quo Deus intendit dare gloriam prædestinationis, & gratiam ac meritā quibus illam consequuntur, sit necessarius in voluntate Dei alius actus, qui usus activus, seu decretum executionis, appellari solet, ut talia media executioni mandentur; Secundo dubitatur, an præter judicium regulans electionem, & illam antecedens, necessarium sit in divino intellectu imperium regulans usum & executionem.

In quo tres reperto sententias. Prima utrumque actum in Deo negat. Secunda primum admittit, & alterum rejicit. Tertia utrumque ad negotium prædestinationis necessarium esse existimat. Primam tuerit Vazquez hic disp. 83. cap. 3. & 1. 2. disp. 47. cap. 2. Secundam defendit Suarez lib. 1. de esentia prædestin. cap. 14. Tertia vero communis est in Schola Thomistarum, eamque tenent ex Patribus Societatis, Bellarmine lib. 2. de gratia & libero arbitrio cap. 9. Gratiado Tractatus 5. disp. 6. sect. 1. Herice, Ruiz, & alii; cum quibus

Dico primum: Præter electionem mediiorum ad ordinem intentionis spectantem, requiritur in voluntate Dei decretum executivum de iisdem mediis, ab electione aliqua ratione distinctum. Hanc conclusionem primò statuo, quia ex istius actus necessitate pendet necessitas imperij di-

stincti à judicio regulante electionem.

Probatur ergo primò conclusio ratione fundamentali. Omnis actus in voluntate nostra reportus concedi debet voluntati divina, si in suo formaliter conceperū imperfectionem non involvat: Sed datur in voluntate nostra usus ab electione distinctus: Ergo iste actus debet divinā voluntati concedi, & pro negotio prædestinationis admitti. Major patet: nam de rebus divinis, & de actibus divini intellectus & voluntatis, debemus philosophari juxta ea quæ videmus in rebus creatis, seculis imperfectionibus. Minor autem quam negat Vazquez ubi suprā, contendens in voluntate creatura non dari usum ab electione distinctum, probatur primo ex D. Thoma 1. 2. quest. 16. art. 1. ubi docet usum esse actum voluntatis moventis & applicantis potentias anima ad suos actus. Et art. 4. in corp. ait quod usus sequitur ad electionem. Et in resp. ad 1. quod mediat inter electionem & executionem. Et quæst. 17. art. 3. ad 1. sic habet: Post determinationem consilij, quo est judicium rationis, voluntas eligit, & post electionem ratio imperat ei per quod agendum est quod eligitur; & tunc deum voluntas alicuius accipit uti exequendo imperium rationis.

Secundò probatur eadem Minor ex doctrina quam tradit idem S. Doctor locis citatis, præcipue quest. 26. art. 4. in corpore, ubi docet voluntatem duplē habitudinem ad volitum dicere: unam secundum quod est in voluntate per quandam proportionem, & alteram ad volitum habendum realiter; & quia ad primam spectat electio, & ad secundam usus, infert usum esse post electionem. Ex qua doctrina potest hæc formari ratio contra Vazquem. Actus coniungens voluntatem cum volito solū affective, distinctus est essentialiter ab actu conjungente voluntatem cum volito ut realiter habito: At electio solū primo modo conjungit voluntatem cum volito, nam ex vi illius volitum non habetur in re: usus autem realiter eam conjungit cum volito, cum ex vi illius potentia exequentes applicentur, & effectus statim sequatur: Ergo electio & usus essentialiter distinguuntur.

Confirmatur: Actus habentes idem objectum materiale, sub diversis rationibus inspectum, essentialiter distinguuntur: Sed electio & usus idem objectum materiale, sub diversis rationibus inspiciunt: Ergo essentialiter distinguuntur. Major constat in intentione, fruitione, & simplici complacentia, quæ licet circa finem versentur, quia tamen illum sub diversis inspiciunt rationibus, essentialiter distinguuntur. Item hæc conclusio, Terra est rotunda, prout attingitur per medium mathematicum pertinet ad Astrologiam, & prout demonstratur per medium physicum, seu a materia singulari abstractum, spectat ad Philosophiam, ut docet S. Thomas suprā quæst. 1. proemial art. 1. ad 2. Minor autem probatur. Licit electio & usus terminentur ad media, tendunt tamen in illa sub diversis rationibus, nam media ad finem duplicitate considerari possunt, primò ut effectus in genere cause finalis in ordine intentionis, secundò ut causa illius in ordine executionis: cum autem electio ad ordinem intentionis pertinet; usus vero ad ordinem executionis; hinc sit quod electio terminetur ad media prout sunt effectus finis, quocirca ad finem non terminatur nisi tantum ut quo, prout est ratio appetibilitatis mediiorum; usus autem terminatur ad media, prout sunt causa